

NEW DELHI CHURCH OF CHRIST

GOSPEL MEETING 2013 REPORT

“FIGHTING HEAD-ON WITH DIABOL”

New Delhi Khris Saptuam in kumbul apan gelkholh a om bang in Pasion' huhna toh November 29 & 30, 2013 in Gospel Meeting nuamtak kinei hi. Programme saitua dia seh a om unaute – Janglet, Jangthang, Jamson leh James-te'n gel vengveng a a hon sehkhia uh “Fighting Head-on With Diabol” (Diabol Maituah in Sual in) chih thupi a zang in ni nih sung melma Diabol douna nasatak kinei hi.

NI KHAT NI (Nov. 29, 2013): Satan dou dia kisa unau hong paikhawmte melma Diabol in zekaisak sawm in Delhi khopi ah traffic nasatak in jam omsak hi. Himahleh dak 11.30 vel in mipite biakkhawmna mun kitung kim siausiau a, hun masa pat in ompah tingteng hi. Unp. Thongginlian' mapiina in hun masa kipan a, Unp. Pauminlun in thathoh huaitak in diabol dou dia kisa mipite la hon sakpih zuahzuah hi. “Identifying Your Diabol” (Na Diabol Melchih/Theitel In) chih thupi a zang in Unp. Jamson, Local Preacher, New Delhi in thugenna hun hon zang hi.

Vaangam na kai diam ahikheileh Meidiil lam zuan diing na hiam chih hiai thupi in gentel ahi chi in Diabol hong kipatna, a minput tuamtumte leh Diabol hihnate kiteltak in hon theisiam sak hi. Mimal hinkhua, Innkuan sung leh Saptuam sung a diabol panmunte nouneltak in hon genkhia a, melma diabol kua hitakpi hiam chih teltak in a paikhawm khristian sepaihte hon theisak hi.

Session Nihna ah Kikup Khawmna Hun kinei a, dak 01.00 vel in kipan hi. Hiai kikupkhawmna hun Unp. James Guite in hon makaih in, khristian sepaih hangsan paikhawmte'n i mimal hinkhua a diabol omtheite, innkuan sung a diabol omtheite leh saptuam (congregation) sung a saptuam omtheite bultum tak a suuina kineikhawm hi. Mimal khat-le-khat ki-adjust (ki-bawllel tuah) siamlouhna, Mahni tung a mi'n a hon sepsak di uh lamkia thei a midangte tung a i sepsuah dite ngaihnepna, angmasialna, thuneitu pom utlouhna, in-laws (ma-lam leh naw-lamte leh sung leh pute) toh kimiltuah siamlouhna, Hehbaihna, kamsiamlouhna, saptuam sung a unau pihte gensiat utna, i paina lampi uh kong kawchik ahihdan theihle utlouhna, saptuam in i chiin zongsat thilte (tradition) ngaihsangna, tanau-pai ahikheileh behpaina, kipawluhaina (groupism), kithuahkhawmna leh biakkhawmnate ngaihnepna, ngaihnan toh kisai thilte a kipomsiam tuah theihlouhna, itna taksapna leh point dang tampite genkhawm a om in, hiai thilte i lak ua melma diabol ahihdan uh nguntak a kikup khawmna kinei hi. Dakkal nih vaal vengveng kikupkhawmna kinei mahleh hun sawtlam thei kiomlou khop in lungluttak in kitel chiat hi.

Huaizoh in singpi dawnna kinei a, Unp. Thang-doulia makaihna in kimawlana nuamtak kinei nawn hi. Mi nih zel a sapkhia a ki-om in huai mi nihte' lak a khat in phunlou-paulou in signal kia zang in a partner pen thuhilhna nei a, a thuhilh bangbang seemsuah in a khat pen a lang-a-lang ah tai bembem hi. Communication Skill a poimohna leh Communication pen kampau leh genthoh kia hiseselou ahidhan hon theisiam sak hi. Huaiban ah Nupa-pa in minefield a pai kidemna kinei nawn hi. Khat maituam a om in, a koppih pen in a paina diing lampi hilh zel a. Hilh a om bangbang a paihte'n bomb thang kikam sikkhalou in paisuak thei ua, a siamloute'n bomb thangkam sikkha in sizer uhi. Listening Skills leh hilhtheih a om a poimohna hon musak a, Diabol

dou diing in kitheisiam tuahna leh thuhilhna kingaihkhia tuahna poimoh ahidhan hon theichian sak semsem hi.

Sun nitum a diabol dou didan kikup khawm a om unaute salam an a hon vak diing in Unp. Jangthang leh tuailai fel muanhuaita'n meh limtak hon bawl ua, nitak an kinekhawm zaizai in khalam leh salam ah gilvah pingpeng in nikhatni zoh ahita.

NI NIH NI (Nov. 30, 2013): A ni nih ni in mipite dak 11.00 in kitungkhawm siausiau nawn a, diabol dou dia kisa khristian sepaih tamzaw seem kipaikhawm hi. Unp. B. Thawng Sian Dong makaihna in jing biakna hun kipan a, Unp. Thawnkhansang in galzohna la hon makaih in thuumna leh lapi toh diabol douna kipan hi.

Diabol Dou Un chih thupi a zang in Unp. James in thugenna hon nei a, Powerpoint zang in i melmah uh diabol kua hihna, diabol panlaktante (strategies) leh diabol douna diing a vanzat poimohte nouneltak a suuina hon nei hi. Diabol pen a lauhhuai mahmah kinei leh hatu lian vemvom a hong kilangh diing hilou in lawm hoih leh ngaihuaitak bang a hong pai sek ahithu gen hi. Hiai Diabol douna diing ah i galvan uh “Pasion' galvan bukim” theitel a i zatsiam mahmah uh kuul ahidhan gen a, diabol dou diing a standing order piak a om khristian sepaihte nasatak a hanthawmna hon nei hi.

Session Nihna ah KIKUPKHAWMNA HUN kizang nawn a, Unp. Kamkenthang in hon makaih hi. Ni masa ni a diabol/melma kua/bang hi hiam chih kikup khawm a omte hon review kawm in diabol douna ah mimal, innkuan leh saptuam a poimohna tuamtek ahidhan hon gentel masa hi. Mihing in hatlouhna lam kineitek a tua munte a kipanpihtuah diing, thilhoih hih pen chin zongsat a neihsawm a kuhkal tak a pan diing, I lampi a hon daal thei thil tampite va chiam/lawng sese dah mai lehang, kheemna toh a kigamla pen a om gige diing, thuumna a nakpitak a pan diing, eimah a sa-



CONTACT ADDRESS

Church Of Christ, Delhi,
Rz-2008/25, House No, 13, S.F.
Tuglakabad Extension, New Delhi-110019
Phone No. : 9953968807
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS
OF THE CHURCH OF CHRIST, DELHI, ON THE FIRST DAY OF THE WEEK'

Enkaitu: Jamson Guite | Panpihtu: Kham Minthang | Jangthang

BIBLE CLASS

Class	Teacher
Adult	: James, Thawngsiandong
Inter.	: Khamminthang
Primary	: Kimpi

TUNI BIAKKHAWMNA PROGRAMME

Thumna Hun-uk: James
Lapitu : Thawnkhansang
Thilpiak : Joseph Suantak
Theihgigena : Thangzalam
Thuhilhtu : Jamson
Thumna : Pauminlun

Last Sunday (17/11/2013)

Offerings - ₹ 11,221

WEBSITE THAK

✓ Delhi a saptuamte'n website neih hoih sak ahih dungzui in hun sawtkuamtak paita akipan in kibuaipih touden hi. Zohsiang ahihtak toh kition in zan in honkhiak hita a, kupeuh a visit utte'n www.cocdelhi.org ah visit theihta diing. Hiai website ah Khriis Suangphum, Khanamsau, Lai-siangthou Bulsuina chihte omvek hi. Unau ginom kuapeuh laibu leh article soft copy a gelhsa nei koihching ut i om leh welcome i hi. Huan, unau mun tuamtuam a omte'n i bulletin-te uh koih i lunggulh leh a koihtheih diing.

THOUGHT OF THE WEEK

**Thilpiak, a piakloupheh kisaktheihpih mi tuh vuhzu loupheh
a meikai leh huinhung bang ahi
(Paunakte 25:15).**

THU TUAMTUAM**DAMLOU**

✓ Kal khat vel paita akipan in unaupa Timothy damlouna ziaik in lupna ngak in ana omden a, damdawi inn tanpha ana lutman hial uhi. Tunbel pathian panpihna toh hoih mahmahta hi.

✓ Huchi mahbang in nibangzah hiam paita in Master Nenglian s/o unaupa Thangzalam leng hitang khosik in nihni vel ana om hi. Tunbel dam-siangta hi.

✓ Unaunu Ngaihhoih, Rosely Thiankim leh Vungi-te sungkhoh in ana om ua, khawmpi nihni ni bang leng hongtel theilou uhi. Amau leng hoihdeuhta hi a theih ahi.

KALNAWN BIAKKHAWMNA PROGRAMME

Thumna Hun-uk: Janglet
Lapitu : Malsawm
Thilpiak : Pauminthang
Theihgigena : Lambiaksang
Thuhilhtu : Sianno
Thumna : Thangsuamang

KI-AT NAILOU THAK - Unaunu Vungi ki-at diing in kal paita seppatni in damdawi inn ah ana giaklut mahleh sepnawnni in ana pawtkhethak nawn hi. A awm lak ah a phual khenkhat a om ziaik in doctor te'n test bawlsak uhi. A report tukal sung in kithei diing a, a report theih ahikhkit chiang in ki-at hun diing hilhthak diing uhi.

HONGZIN - Sepna toh kisai a tuleh a Hydrebad a om unaupa Tawnsianpau suti ni bangzah hiam aneih ziaik in zan kiginni nitak in Delhi hongtung hi. Ni 15 sungvel ilak uah omthei diing hi in kigen hi.

HONGTUNG - Sepna toh kisai in kal paita Toupani in unaupa Kamkhenthang in Sikkim ah honna zinkhiak san hi. Amah kal paita mah ningani in damtak in Delhi hongtung kiknawnta hi.

KIPAHMAN HAWMNA - Tuni biakkhawmna zoh chiang in zan a ki-taitehna a siamna tungtuan ana ngahte kiang ah kipahman piakkhiakna thupitak om diing hi. Kidemna saite mah in hon makaih diing uhi. Kuate'n khatna la hiam chih theih hinailou a, theihkal ngaklah huai mahmah.

pekmailam sutzopna...

tan ompen zoh chiat diing, kithuah khawmna leh saptuamte kimuhkhawmnae himhim ngai poimoh a tel gige diing, Bible sim gige diing, Ji-le-pasal kizona ah unaute mah ahihlouh chiang in langbei a diabol dou kuul ahihna ah unaute mah kizontuah diing, Buaina hun a Preacher-te ahihkeileh thutak theihna ana hauzaw unaute dot (consult) diing, Thilhoih hihna diing a hun kibawl diing, Pasion' hatna a kingak gige diing, Mahni hatlouhnate kiliahkhuh mailou a ki-admit diing, innkuan kikhopna ngaih poimoh diing, Papen in innsung vengbit diing a dai hoihtak a kaih diing, Hun-awl hauhlouh a, hun awl i neihte a manpha theipen a zat diing, Buaina i neihte genkhawm ngeingei diing, in-laws te toh kikal ah pilvangtak a kituahna bawl gige diing, saptuam sung a makaite recognise a a thu uh man diing, zintunsiamna hahkat diing, standby-attitude huai bel min a hon minloh khak kei uleh tel khalou bang a kikoih, kidangkoihna tawpsan diing, kintundingtuahna awlmoh diing, leh saptuam sung a "kibang vek ihi" chih lungput i neihte tawpsan a makaite zahna piak diing chih leh thukup dang tampite diabol douna diing in genkhawm in om hi. Kikupkhawmna hun nuamtak leh khelah tak a zoh ahihning in singpi dawnna kinei hi.

Hun tawpna ah Innbing a Bible tang leh Lapawl kidemna kinei a, innbing 12 kitel thei hi. Hiai kidemna Unaute Khamminthang, Thanglianmang leh Pauminlunte'n hon makaih uhi. Eph. 6:10-18 kikal a Pasion galvankim kigente Bible tang kidemna in kinei a, Lapawl kidemna ah Khristian Late 335 na "Khovel gallai Toupa di'n dingkip in" chih kizang hi. Hiai report gelh ahihtan in kidemna result puankhiak hinailou hi.

Ni nihna leh Gospel Meeting nitawp ni zohna diing in nitak ankuang um khawmna kinei nawn hi. Tuanvaite' felna ziaik in genmang moh diing mehlimtak toh Gospel Meeting 2013 khak in om hi.

Diabol dou diing leh douzou gige diing in Toupa'n hon ompih chiat hen.

KIGINNI BIAKNA PROGRAMME

**A Mun : Thongginlian inn.
Chanakyapuri.**

A Hun - 6:30 pm

Hun-uk : Thangbiaklun

Lapitu : Sianno

Thuhilhtu : Timothy

Thumna : Lianminthang